

已畦瑣語

續編補卷第六

吳江葉 雙星期著

治民有一定之法程則人知所遵而姦吏猾胥不敢上下其手同一事也賞則均賞罰則均罰故賞一人而天下勸罰一人而天下懲也乃有賞不足勸罰不足懲者可不深思其故乎

好官不過多得錢耳此玩世不恭語也後人藉以為入官之美談小吏取之于民日積月累上官攫而取之大往小來歛怨于民究竟為他人作嫁衣裳耳

昭代叢書 戊集補 已畦瑣語 卷第六 一 藏板

縣令古之上士是也州牧則儼然稱大夫矣而撫按家人得頤指氣使之且至有逢其怒者竟以爾汝稱之虞山蔣公兩亭巡撫山左戒家人凡江浙人仕齊魯者來謁毋得與同坐蓋今日官有尊卑而他日義無貴賤故也其他亦概不得爾難矜肆居官者所當取法也

取人之財以肥己之家家可肥乎即可肥矣亦當念民力之艱不可任意以妄取

宮室之美衣食之豐花辰月夕之宴享亦既極一時

已畦瑣語一卷

〔清〕葉燮撰

昭代叢書本

之盛即思人生之福為有盡乎輪圓之說或不足憑
而子孫之困乏轉眼即得人但知積金以遺子孫而
不知惜福以遺子孫不亦愚哉

廣廈細旃肥馬輕裘可富可貴有求必得圭竇華門
之士冬無褐夏無葛朝不謀夕啼飢號寒一旦能應
試入泮或可得一美館而絀袴之子又復起而攘之
壟斷富貴天道可不懼哉

子孫之賢不肖雖係乎家運之盛衰亦由于己之積
德與否之所致耳

昭代叢書 戊集補 已畦瑣語 卷第六 十一 世階堂 藏板

智析秋毫謀盡錙銖積有厚資以保其子孫而不知
敗吾家者已輸吾體矣豈待身後哉

今之食粗而衣敝者非必其上世皆貧賤也亦有身
膺金紫而家藏金窟者且有襪祿而擁珠玉錦繡者
一旦失勢等于乞人則現前之不給于衣食而厭之
惡之安知他日不富貴而趨之承之望而畏之即而
求之乎是一時之富貴不足恃而貧賤未可忽也

不問其人之品行道誼如何而欲以目前之富貴貧
賤定其終身即是眼孔淺無見識

人有一番大作用及稍有節概者必有一種磊磊落落
不可一世之意決不盲隨聲附和唯唯諾諾若人
云亦云者庸人而已亦有不置可否漫無評論似甚
深沈實亦不足與有為者也至于射利之夫鄙吝齷
齷則老死牖下而已矣

作法之人最宜謹慎作法者忠厚其後不至流于刻
薄作法者刻薄其後不能轉為忠厚是以培塿無松
柏而沃土多喬木也

子孫不肖棄之固非也教之亦有不即善者則天意
昭代叢書 戊集補 已畦瑣語 卷第六 三 世階堂 藏板

可知已惟修身行善挽回造化或可改惡從善轉敗
為成耳

世之卜吉壤以營葬者非為父母也為子孫耳夫子
孫而賢大家聲赫世澤豈非親心之所願然亦視其
心地何如耳今不問心地而但求之陰地曰陰地好
不忠不富貴也甚有割買他姓墳塋發掘棺木人亦
孰不欲富貴我獨何心哉且能富貴矣彼之富貴何
如乎亦見其惑已

救荒無奇策救于已荒之後固無策策于未荒之前

則惟有儉以持之一日之費均為兩日則一歲之費均為兩歲有備自無患矣蓋過費天之所忌惜福天之所佑吳中風習靡費日甚天災流行勢所必至吳郡中無賴子弟鮮衣美食三五成羣博奕飲酒聽說演義談論人家婦女妍媸好勇鬪狠種種惡習其不遭水火飢饉之厄者亦幸矣

古稱衣冠世俗今世士林子弟服飾起居不冝取法乎上反欲下同于俳優以矜風雅脫俗恬不知恥父兄亦不以為怪亦獨何心

昭代叢書
戊集補 已哇瑣語 卷第六 四 世楷堂 藏板

負販之子釋去擔任華冠美服吾不知為何許人也然動作間踟躕不安不待矢口便知為小人矣席帽組袍莊乎其貌有味乎其言自有一種動人愛敬處舊家風度珊珊肌骨間甚矣衣冠之不可以軒輕人也

厚擁家資傲慢里黨自謂可以睥睨王侯及一履大人君子之庭見夫挾數寸柔毫據上座抵掌而談今古傾倒四筵而大人君子折節下之乃爽然自失平日之矜張自用此士之所以貴也

今有一富商大賈于此附糶逐臭之夫屏息低言奉其意旨冀得沾其餘澤則彼尊大之氣益肆行無忌矣

子弟以質樸忠厚為尚而以佻達刻薄為戒今之人反是矣然太和元氣不可斲削斲削則必不能久登賤天札皆由此耳

名為造物所忌才既薄劣學亦荒落而遽享大名聲聞過情君子恥之今則居之不疑人固可欺其能逃鬼神之鑒別乎

昭代叢書
戊集補 已哇瑣語 卷第六 五 世楷堂 藏板

列祝警宗典綦重矣古人以德以功今人則以力以勢夫人而無德無功則亦已矣且身有玷行口碑在人年遠事湮人遂相與忘之此子孫之幸也乃復以崇祀起人之訾議尊其親養其親不聞有賢其親者今欲賢之反使不賢之行昭人耳目不孝孰甚焉每見鄉賢名宦二祠中明以前寥寥無幾明時已濫觴矣迨後益甚豈歷漢唐宋數代少完人而近代端人循吏乃接踵而起邪然則今人不古若其言殆未可信歟

人既知崇祀之可貴何不力于為善而又口不道忠信行不納規矩居鄉者欺侮良善居官者殘忍刻剝乃欲邀榮于身後亦見其不知量也

轍前修而仰止聞惡行而詬訾人情之常死者而無知則已死而有知回首前賢之所以得祀者何如而自念生平乃欲與之同列當必有不能妥侑者也

羔裘元冠不以弔今人居父母之喪未及小祥輒元冠黑衣繫一白布帶子此禮之變者乃變自詩禮之家異哉

昭代叢書 戊集補 已畦瑣語 卷第六 大 世楷堂 藏板

官長治民枉者直之邪者正之職分當然體統雖極尊嚴為民理究伸枉則一也夫不能得之于州縣者冀得之于道府撫按乃官愈尊則民詞愈難達再三控遞始遞一准其如民情之不達何

學古人官後人已不及前人遠甚矣或迂腐拘執或陽奉陰違至有顯背名教者然文采風流即未嫻于政事不猶愈于胸無點墨憑臆武斷乎古人云讀書萬卷不讀律致君堯舜終無術其故可深長思矣

翰林儲相之地職居清要地近禁林使之優游留為

致君澤民之助乃日事奔競務名譽馳逐于送迎宴會閒有一二自愛閉戶讀書者亦無有物色之安望助理之得人乎

虞山蔣雨亭巡撫山左每冬以五百金易絺衣給濟南方之貧乏無衣者此雖小惠然較之肥家肥身而剝取民脂民膏者相去遠矣

吾郡饑屋而居不知凡幾往往受勢豪之追逼分文必較儀封張公巡撫江蘇諭令房租概行折讓推之他郡則貧民之沾惠多矣

昭代叢書 戊集補 已畦瑣語 卷第六 七 世楷堂 藏板

豪富之家田房租值不少寬假桑梓之閒向且刻薄安望其他日臨民有惻隱之心哉 每見當事懸示云清白自矢神明共鑒且曰苟有貪汗豈無報應甚矣言之可畏也而取利之方已不遺餘力無剩智矣嗚呼紙上之言吾誰欺欺天乎萬一天應其言亦可危矣

聞之沈禹讓前輩云少時蒙睢州湯公觀風首拔諸同人進署謁謝例得巡捕官通名以二三星為一扇之敬巡捕作色曰撫軍坐堂上不煩通報諸公庶費

而入可也至所惠毋爲我累固辭不受若湯公可謂
正己率屬皆矣

遂寧張公撫浙時梁溪周公爲學使者案臨台州日
報中有馮宦人鄉賢祠致餽胙肉一語公即檄府查
取馮宦行實冊結無以應之神主人而復出張公之
留心祀典如此

習池峴首落水龍門古人政事之暇不廢登臨商邱
宋公撫吳頗有此風故吳郡西山諸勝遊覽殆徧滄
浪亭舊蹟荒蕪復開生面其木石屋宇位置清疏扁

昭代叢書戊集補已畦瑣語卷第六 八 世楷堂 藏板

聯字句俱雅切可喜自見書卷之氣

明辰陽指揮使彭飛題桃源洞馬伏波祠云昔王庭
下鞭秦檜千古入思武穆忠今日拜公江上廟願將

頑鐵鑄梁松似此推之則于忠肅祠墓當鑄徐有貞
楊忠愍曾襄愍諸公祠墓當鑄嚴嵩父子周忠介左

忠毅楊忠烈諸公祠墓當鑄魏忠賢田爾耕倪文煇
諸姦人

嘗見泰州志練宣童字全復子寧次子也子寧遇難
時長子成經同死宣童逃至泰州季子仁善逃于饒

州女瓊瓊沒爲官奴洪熙元年赦回贅同邑陳用昌
一姪名齊廉逃往福建長樂萬秣十八年督學朱某

訪求遣逸得齊廉之八世孫綺檄回新喻奉祠子孫
蕃衍而宣童及仁善之後乃子寧嫡裔尙未歸奉宗

祧今宣童子孫仍寓泰州有名嗣昌者新入郡庠聞
修州志問其宗系請入志當事許之春秋進賢者之

後此其事歟

唐時耶爲嘉興人亦繼母孝嘗有靈芝生堂下累官
右庶子時年八十餘而母無恙及丁艱還鄉縣令謁

昭代叢書戊集補已畦瑣語卷第六 九 世楷堂 藏板

之公必侯門整折令坐乃拜出過縣治降馬而趨卒
年九十六

胡証河東人舉進士第後自振武節度使召任金吾
大將軍趙宗儒鎮河中証時建節赴振武備桑梓禮

入謁持刺稱百姓韓退之有詩云駕矢前驅煩縣令
里門先下敬鄉人是可爲居鄉者之法

晏元獻對章聖太后語臣非不樂遊燕直以貧無可
爲之具余性安樸素敝衣蔬食有人謂吾爲吝謂吾
爲矯余荅之曰非不知肉之味勝于腐布衣之粗重

不及帛之輕適但非錢不能本無錢何必羨此觀于
晏公之言我儕布衣何敢希宰相未學何敢希大賢
前人之言何可誣

宣城施宏猷嘗題關夫子廟聯云人知敬公矣須學
公去就之正辭受之明生死之烈公豈異人哉只盡
人君臣之義朋友之信兄弟之親不惟典切莊重且
有傲誠世人意

俞天木名鐸泰州人順治閒進士為友題柱語事無
了期丟過去念有起處放下來此喚醒塵夢足當棒

昭代叢書 戊集補 已畦瑣語 十 世楷堂藏板
喝

已畦瑣語跋

昔崔子玉作座右銘曰無道人之短無說己之長云
云無一語不是至言星期先生所著已畦瑣語大半
為居官者而發或直捷以規之或婉轉以諷之亦無
一語不深切明著而于庚下氣習復言之洞悉如此
人人當著一通以置座右甲辰中夏庚江沈楸愚識

昭代叢書 戊集補 已畦瑣語跋 十一 世楷堂藏板